

# 實業志卷十二

## 實業

周禮闕冬官漢興購之千金不可得而以考工記補之其云審曲面勢飭五材辨民器謂之百工通四方珍異以資之謂之商旅飭力以長地財謂之農夫此即實業之濫觴也後世閉關株守故步自封農服先疇之吠畝工用高曾之矩矱懋遷有無商旅不行求如陶朱猗頓者殊難其人無他限於目前未能知遠耳即在通商惠工之世布衣帛冠衛文可云中興然庶而不富尼山師弟車中徒殷商權也况弱肉強食天演定例列強掇我精華更端製造而復售之中國竟吸取脂膏以去我國家人民欲不貧瘠得乎且動言抵制而終歸失敗實業不講之咎也中國果能力闢富源研究改良日新而月異俾輸入之貨日益少而輸出之貨日益多不受列強經濟之壓迫民殷國富可立而待矣吾邑絲棉魚鹽日見增進倘再組織發展不遺餘力庶其有豸乎

## 實業志卷

卷十二

實業志 實業

十四

## 實業

農桑爲民生之根柢林礦爲國利之淵源我國自古政尙四民業具百工故世稱四千年之文明大國有由來矣洎歐風東漸科學昌明百工之業較前益隆遂合其名而總稱爲實業焉夫實業大本須視乎天產原料種類與社會之需求爲進步之推移古訓因地因時之說可爲言實業者預作取捨之謀而人多不察一言實業即重工輕農不知計尙實業利在民生民生要素民食爲天故以農爲業生計較捷以工爲生週折較多矧非獨具匠心即難求其幸福若美之安狄生之與罕利福特英之瓦特之與卡南琦氏皆希世罕有之材此外能有幾人哉余嘗默察工藝之區每乏良田證之因地因時之說當不爲謬再証以英日之懋遷雖盛而一遇抵制萬家失業恐慌無措生計路絕究不如美之農業先進工商副之較爲安全耳我國土地冠絕五洲苟能工農不偏廢又何嘗不可駕諸英美而上之但吾省實業不第不能媲美西歐東瀛擬之各省猶多遜色雖然一言民生舉國弗逮者何也無他土地優良講求農業勝於百工所以他項實業進步雖遲而農業一

項之長卒能償其所短吾邑實業尙在科學工藝時代而仍趨重於農者十之六七此亦他項實業進化較遲之一大原因也爰將各業之概況分志於次

### 農業

邑境農區形式天成西距海約二十里許居民多以魚鹽之利爲生活農業稍亞而縣境之南北盡屬沃田且於耕耘之法尤多經驗可謂完全農區惟城之東南正東以迄東北山林叢雜宜於種柞養蠶故除山場之外可耕者平蕪參半地雖瘠薄而饒有山場蠶繭之利亦不啻農商富庶區焉但農服畎畝墨守舊矩出作入息任天而動加以人烟漸蕃糧產不足民食每年尙需鄰省或鄰縣調劑紅糧十三萬餘石清季雖設有農業試驗場無甚效果民國紀元自治發展曾立農務會未幾袁世凱擅政意圖帝制自爲取消議會連帶農會之雛形亦隨自治潮流以俱滅七年夏邑紳重申前議由縣署咨請農務總會復立農會於東關山西會館內旋又遷於縣公署東院嗣後移在西院十八年十二月暫移於南關現正講求新法俾促將來農務之進步云

### 工業

邑之工業凡家庭日用需要之器具及各種舊式手工木工建築等悉備無缺然各項工人不求進取競尙修飾表面之術以省工減料爲目前得利之秘訣率無遠大計畫故藝多粗疏物多窳薄至織染縫紉製革造紙印刷普通美術亦不過應有儘有耳其可記者有硬尖水筆蓋染干青布等尙可稱爲藝術也計全境工業舖戶約三百家有奇可記載者無幾惟繅絲一項近年出貨悉販外邦往往爲對方所別駁難求善價故邇來日漸長進且出產亦爲本邑之大宗春秋兩季山繭登市時繅絲爲邑中優良之實業復能利及金融裨益市面經濟所係百業交興計每年交易額約值國幣三百萬元再則製造豆油豆餅編織葦席亦皆大宗土產至於近今所製之山繭練綢五彩十錦被面均有可觀每年產額約可一萬數千疋此外因各種水菓優良且爲邑中之特產見本志植物遂設有罐頭公司二所一在湯池一在城內營業雖知講求而製造之進步尙需時日其物品不能與外省輸入者爭勝亦爲美中不足之點也其製造品目表附後

蓋平鼎豐罐頭公司出品表

品名	區別	每箱每箱磅數數目	品名	區別	每箱每箱磅數數目	品名	區別	每箱每箱磅數數目	品名	區別	每箱每箱磅數數目
榛仁杏		1.75 四打	杏梅		1.75 四打	鷄心葡萄		1.75 四打	白桃		1.75 四打
水蜜桃		1.75 四打	甜香瓜		1.75 四打	蜜西瓜		1.75 四打	去皮李子		1.75 四打
圓葡萄		1.75 四打	白葡萄		1.75 四打	去皮葡萄		1.75 四打	平頂香梨		1.75 四打
尖把梨		1.75 四打	水紅消梨		1.75 四打	南紅梨		1.75 四打	白梨		1.75 四打
洋梨		1.75 四打	蘋菓		1.75 四打	鮮紅棗		1.75 四打	蜜山楂		1.75 四打
汽水		1.75 四打							蜜橘		1.75 四打
									鴨梨		1.75 四打
									香水梨		1.75 四打
									李子		1.75 四打
									蜜桃		1.75 四打

商業

本邑商業自庚子鐵路貫輸後交通雖較敏捷而權不我操利爲人有交通貿易漸受吮昨提吸之害况以邑商徒據皮毛之發展無根本之實計比年以來市面堂皇而內容較多蕭索加以重稅徵求有增無已城鄉商舖除工藝舖戶不計外已達五百餘家強半陷

於外強中乾地位所賴此間商賈對於營業一途向有遺傳經驗果敢有爲非至萬分棘手不輕犧牲其營業雖然每一倒閉虧本之外多有股東因商破產傾家者致資本家視商業爲畏途再則出產向以山繭豆糧爲大宗每因異國經濟侵略關係時受壟斷操縱之患蓋豆繭二項消路悉仰洋莊故價值亦不得不任其低昂即或自行販銷亦不免被其團體之牽抑除自行直運歐美直接交易別無良策然既無合資團體販銷匪易且又非經外埠改裝檢驗難出國門近年曾設有絲業公會於製絲之術較前差精然終不能與歐瀛並駕且有遷移他埠再行交易之弊而絲商行棧又各爭持意見以致惘恍迷離不易調劑再加圍法不一奉票抑壓充斥於內日本金票昂漲制迫於外輸出輸入盈絀懸殊爲病商之一大原因也且不獨病商百物失其常價因以轉而病民至電燈電話地方儲蓄公會等雖爲優上應時之實業而營業方面倍受錢法之害地方儲蓄竟因以倒閉矣此即商業之概略也方今官府提倡市政商會發達當能和衷共濟起衰救弊維持金融於鞏固竊以金融錢法爲地方人民之命脈所繫匪輕設挽救無方聽其自消自漲

反以促民生之短命憶自先年羗帖行使於東省頗有信用洎歐戰後俄軍敗退羗帖竟至荒廢乾沒彼後來之新政府概不置意我東省商民受害極鉅幸爾時地方人民尚有餘力可以支持然命脈受傷元氣即以暗耗往事已矣應鑒前車今復受金票壓迫奉票因之毛荒久成痼疾而現大洋亦被其牽制以漸跌落此中潛消默削凡地方命脈人民脂膏損傷剝蝕於無形之中者不知幾千萬億矣將恐上下交困財殫力痛去破產期間不遠病入膏肓命脈一促奇禍即在目前是外來一紙空幣足以制我東省死命不獨蓋平一邑商民罹害已也創鉅痛深可勝懼哉

鹿圈

本縣氣候較吉黑爲平水草亦豐故有吉林實業家於民國十四年運置馴鹿一百餘頭設圈於邑東五里許之白谷莊北山麓間現共滋生小鹿六十餘隻每年可鋸獲鹿茸三十餘副云

苗圃園

苗圃園爲營蓋兩縣合辦設於大石橋西迷真山東坡茲爲表詳於左

營蓋苗圃一覽表 民國十八年

種 類	株 數	出 山		木 數
		年	分 株	
洋 槐	一〇〇三〇〇	一	二	三六八四〇
糖 槭	六五六〇〇	一	三	二三四〇〇
油 松	一三三六〇〇	三	二	九五五〇〇
側 柏	七九七〇	二	一	一〇一〇〇
梧 桐	一七六五〇	三	二	一七九八
湖 桑	二二〇五〇	二	一	一〇六〇〇
白 楊	一七三二〇	二	一	三四八〇
杏 樹	八五〇	一	一	二三一〇
杏 條	五〇〇〇			

本境礦苗五金煤炭俱尠即有亦無純正線穴且無良好特質今就礦商呈報表列於後  
全境鑛業一覽表

礦業名稱	鑛商	開採年月	坐落	主要鑛質 附屬鑛質	鑛區	資金	鑛稅	年產額	
								要產數量	附產數量
月和苦土鑛事務所	王樂山	民國十年七月	第四區徐家屯北山	苦白土	五十畝	五千元	七元五角	七萬二	
和興苦土鑛事務所	汪長清	民國八年七月	第四區鄭家溝	苦土	六十畝	五千元	九元七角五分	六萬五	
振東苦土鑛事務所	高濬成	民國九年七月	第四區徐家屯北山	苦白土	二百〇二畝五分	五千元	四十五元三角七分五厘		七萬七千五
群賢滑石鑛事務所	張寶瑤	民國八年九月	第四區金水寺村	滑石	一千八百六十八畝四分四厘	二萬元	二元八角六分	十一萬	
公聚石鑛事務所	沈殿舉	民國一月十	第六區東堡子	石灰石鑛	一百四	二千元	七元四角一分	十四萬	
公義石鑛事務所	周述春	民國十一月	第六區北周家屯	石灰石鑛	五十畝	一千五百元	五元	十二萬	
運興鑛廠	何長運	民國四年十月	第三區正白旗	建築石	四十畝	一千元	六元	十一萬二	
	李純福	民國十年十二月	第三區南轅家東溝	建築石	六十五畝	五百元		四萬五	
統計					四九四二〇			二五七一七六	
臭椿								二二六五〇	二年生
萬利木								三六〇	三年生
中國槐								三〇〇〇	
白蠟樹								二〇〇	
榆樹								二九〇〇〇	二年生
桃樹								一八六〇	一年生
三春柳								三二〇〇	一年生
杞柳								一五六〇〇	一年生
柞樹								三〇〇〇	

礦業





民國八年以獎勵之法催報剪場風氣漸開所有山場漸次和盤托出計原有紅剪不過五十餘把後以原報期滿催促將紅剪浮多及黑剪併荒山三項報至一萬四千六百零四把倘從此善於推行俾民間皆於養柞放蠶繅絲織綢四者加意講求則本境之富及實業之興均可立而待也茲將新舊山剪數及出產數附列於左

舊有剪場五千三百五十把

產繭每把百千

新報剪場九千二百五十四把

產繭每把七八十千

### 果園

本縣各種水菓已分志於植物及特產諸目茲將園主戶數及畝數並種植各項水菓之概略總共株數分別附述於實業下以備研究寔業者之考求焉

境內菓園之盛以一二三四五等區爲最夥七八兩區次之計共園主一千二百餘戶園

田九千餘畝各種菓樹十八萬餘株葡萄二千數百架

其植之宅邊院內者在外

區韓江二姓爲盛韓係熊岳黃旗村韓氏恩合將軍

見本志鄉宦

宦遊歸植菓園於鄉初不過五

六十畝後其子咸文繼續經營逐年發展卒成大業所產之菓品較各處獨優而尤以紅白梨爲最名今爲乃孫隆毅隆韶經理成績益佳現已擴充至三百餘畝每遇豐年各種菓品合之可得數十萬觔云江氏係邑南安平村人字仁山亦實業家也現有菓園已達二百畝近年漸有起色所植之菓樹多已成林結實間有葡萄二百數十架其他各種出產亦皆有可觀且講求不遺餘力他日或將與韓氏並駕焉